



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **R. P. Ioannis Azorii Lorcitani, Societatis Iesv Presbyteri Theologi, Institvtiones Morales**

In Qvibus Vnivers[a]e Qvaestiones ad Conscientiam recte aut prauè  
factorum pertinentes, breuiter tractantur

**Azor, Juan**

**Coloniae Agrippinae, 1616**

24. De diebus festis duodecim Apostolorum.

**urn:nbn:de:hbz:466:1-14007**

mae sententia, apud Hebræos mortem fuisse, ne puella, siue virgines feminis parentibus adessent; Respondeo, hoc nihil obstare: nam B. Virgo ad breue tempus secessit in locum secretiorem, interim dum Elisabetha pariebat: vt cum peperisset, statim postea, obsequij gratia, ad eam accurreret. At, non decessit, inquit, virginalem pudicitiam, vt tunc adesset Virgo pudicissima, cum frequentes cognati, vicini, & amici ad parturientes feminas accedunt. Respondeo, nec hoc decessit B. Virginem: nam credibile est eam, dum aderat ab hominum frequentia recessisse, & abdidisse se in locum domus secretiorem.

Celebrat præterea Ecclesia Romana, diem festum B. Virginis ad N. ues, qui dies festus consuetudine recepta Romæ seruatur, non necessitate legis, sicut cæteri, quos dixi. Liberius Papa Basilicæ insignem in honorem B. Mariæ Virginis dedicauit in Monte Esquilino iuxta Aggeres Tarquinij ad macellum Liuiæ impensis Ioannis Patritij. In eisdem Basilicæ erectione, ea de re fuit vterq; per visum admonitus, & miraculo confirmatus; descendenti- bus niuibus in Nonis Augusti, formam Templi monstrâ- tibus. A Liberio fundatore Basilicæ diu vocata est Libe- riana: postea à Sixto III. Pontifice restituta, & amplior facta fuit circa annum Domini 132. Dicitur deinde est S. Mariæ ad Præseppe, ob translata in eam ex Bethlechem fa- cta Christi incunabula. Postremo appellata est S. Mariæ Maior: quia cum multa templa in honorem B. Mariæ es- sent iam in Vrbe dedicata, vt præstantia, & antiquitas eius Basilicæ significaretur; cœpta est dici S. Mariæ Maior. Præterea in Hispanijs speciatim colitur dies festus Ex- pectationis partus B. Virginis. Cuius rei causa hæc est, quia cum Annunciatio B. Virginis in Hebdomadam fan- dam frequenter incidat, eo tempore solemnibus ritu pro- pter passionem, & mortem Christi Domini coli, & cele- brari non poterat. Ideo olim in Concilio Toletano X. Prælati præfides Hispaniarum, in Aduentum Domini, nimirum ad 15. Kal. Ianuarij transfulerunt celebritatem Annunciationis. Et quia translatio incidit in eam diem, in qua Ecclesia Romana incipit decantare ad vespertinas preces eas Antiphonas, quæ maiores, & solemniores dicuntur, quæque inchoantur à litera O. ideo in Hispania vocatur Annunciatio B. Virginis, de la O. Rursus, quia cuiusmodi Antiphonæ reuocant in memoriam suspiria, ge- nitus, & desideria antiquorum Patrum, qui olim Chri- sti Aduentum expectabant, appellatur etiam in Hispania, Expectatio partus B. Virginis, eo enim tem- pore Beatissima Virgo partui vicina, expectabat ortum Filij Dei, quem suo in vtero iam concepserat. In Eccle- sia Ambrosiana colitur Annunciatio in die Dominica, quæ Natalem Domini proxime antecedit: vt testatur Galefianus in Annotationibus ad Martyrologium Roma- num: eadem ratione, nimirum quia sepe incidit in heb- domadam Sanctam, in qua ob passionem, & mortem Do- mini solemnibus ritu, & cæremonia coli non potest: ac pro- inde transfertur in prædictam diem Dominicam.

## CAP. XXIV.

### De diebus festis duodecim Apo- stolorum.

IVRE communi dies festi duodecim Apostolorum co-  
luntur, & obseruantur, vt patet ex cap. Pronunciandum de  
consecrat. distinct. 111. Et cap. Conquestus de Ferijs, & creditur  
horum dierum festorum institutio esse perantiqua, vt  
constat ex Martyrologijs omnibus Latinorum, & Græ-  
corum: quando vero agi, & coli ceperint, certo non con-  
stat. Verisimile est, eos dies celebrari cœpisse statim at-  
que Apostoli discipuli eorum successerunt. Clemens Ro-  
man. lib. 2. Constit. Apostolica. cap. 43. meminit dierum,  
qui sunt Apostolis sacri. Porro quæ supra attulimus Iu-  
ris Decreta, vim & locum habent in diebus festis præ-  
cipuis duodecim Apostolorum, in quibus pro Christo

occis, martyrij palmam consecuti, ad regna cœlestia con-  
uolarunt. Sunt enim alij dies ipsi à postolis sacri, sed non  
præcipui, nec tanquam dies feriati ab vniuerso Christia-  
no populo seruantur. Cuiusmodi sunt dies Cathedræ, &  
vincula S. Petri, & sancti Ioannis Euangelistæ ante por-  
tam Latinam.

Sanctus Petrus Apostolus mortuus est 3. Kal. Iulij, hoc  
est, die 29. Iunij, sed in summo Pontificatu vniuersum  
post Christi necem annos 36. menses duos, specia- im ve-  
ro in Pontificatu Romano annos 24. completos 25. in-  
choatos, menses tres, dies duodecim: à tertio anno in-  
choato Claudij Imperatoris vsque ad 13. annum Neronis  
Imperatoris. Supplicij locus fuit Romæ summitas Ianicu-  
li, seu Vaticanus montis, imminens Naumachiæ Neronis  
inferius iuxta Tyberim sita: Ianiculus, qui nunc mons  
Aureus dicitur, & Vaticanus apud antiquos Auctores,  
eiusdem montis appellationem habebant. Clemens Pe-  
tri discipulus in ima Vaticanæ parte, in qua Neronis hor-  
ticant, & circus cum Obelisco iuxta Apollinis Tem-  
plum sepeliuit, vbi nunc est Basilica S. Petri à Constanti-  
no Magno Imperatore exædificata; & in summitate Ian-  
niculi, vbi martyrium est passus, est magnificum Tem-  
plum extructum nomine & titulo S. Petri montis Aurei  
insignitum. Porro cum Nero incepisset Christianos perse-  
qui, Sanctus Petrus, vrgentibus fidelibus, vt fuga se illis  
diutius seruaret, precibus eorum flexus, nocte muro egre-  
di cœpit, & videns in porta Capena Christum sibi occur-  
rentem, & Urbem ingredientem, ait illi: Domine quo va-  
dis? Respondit: Romam venio iterum crucifigi, intellexit Pe-  
trus ad suam crucem pertinere diuinum responsum, &  
quod iterum Christus crucifigendus esset in seruo. Et ita  
in Urbem redijt sponte. Egesippus lib. 3. de excidio Hierosa-  
lymo. c. 2. Ambrosius in Auxentium de Non traden. basilic. Gre-  
gor. in Psalmum tertium Penitentialem.

Sanctus Petrus post Ascensum Domini in cœlum, se-  
quenti, vt creditur, die Dominica, die Maij 17. tanquam  
Pontifex, munus iniunctum obire cœpit. Nam de substitui-  
tuendo nōuo Apostolo in locum Iudæ proditoris, orationem  
ad vniuersam collectam Ecclesiam habuit, & Matthias  
Apostolus sorte electus est.

Die Dominica 24. Maij, & vt creditur 30. à Resurre-  
ctione Dominica, Petrus oratione ad populum habita,  
tria millia hominum ad Christum conuertit.

Claudum multos iam annos ab vtero matris ad Por-  
tam templi Speciosam medicantem sanauit, ita vt exsili-  
ret, & ambulans laudaret Deum: & oratione habita ad  
Populum auctus est numerus credentium ad quinque  
millia hominum.

Sacerdotes, Magistratus templi, & Sadducæi curarunt,  
vt Petrus, & Ioannes in carcerem mitterentur: & mox di-  
mittunt eos, denunciante illis, ne omnino docerent in  
nomine Iesu.

Credentes, omnia in commune conferunt, in quibus  
nominatum fuit Barnabas, Leuites Cyprius.

Ananiam, & Sapphiram coniuges pretium agri venditi  
ementicos, partem sibi fraudulenter referuantes, & id ma-  
litiöse Petrum latere posse putantes, Petrus reprehendit,  
& mors in vltionem vtriusque diuinitus insignenda à Pe-  
tro prædicatur, & continuo secuta est.

Conciones Petri frequentes, & miracula ab eo facta,  
vt signa & prodigia per omnes Apostolos edita, ita ani-  
mos audientium, & videntium commouebant, vt magna  
fueret credentium virorum, ac mulierum in Ecclesia ac-  
cessio.

Apostoli in carcerem conijciuntur, sed diuinitus per  
Angelum liberati, rursus ad populum concionantur: edu-  
cti in Concilium respondent: Obediare oportet Deo magis,  
quam hominibus. Gamalielis suffragio à cæde liberantur,  
sed flagris cæsi.

Petrus, & cæteri Apostoli Diaconos elegerunt in mini-  
sterium sanctarum viduarum. Hæc omnia contigerunt  
codem anno, quo mortuus est Christus.

Añ. 1.

Añ. 1.

Añ. 3.

Añ. 4.

Añ. 4.

Añ. 5.

Añ. 5.

Añ. 5.

Añ. 7.

Sanctus Petrus itidem eodem anno, diuino instinctu, & consilio totius Apostolici collegij dux, Iacobum Minorem cognomento Iustum, & fratrem Domini vocatum, & Obliam, id est, murum Nazareum, hoc est, sanctum, Alphai, & Mariæ Cleophae filium, Iudæ Thaddæi fratrem, B. Mariæ Virginis ex sorore nepotem, Hierosolymorum Episcopum creandum curauit. Fuisse hunc consecratum à Petro, Iacobo Maiore, & Ioanne, Anacleto Pontifice in *Epistola ad Episcopos Italiae*, & Clemens Alexand. lib. 6. & 7. *Hypotyposion* testantur: in quo formam tradiderunt, vt non minus quam à tribus Episcopis electus Anacles consecraretur, cap. Porro. *Assimil.* 67. Contigit hæc Iacobi consecratio nonem fere mensibus post Christum ortem elapsis, die 27. Decembris, vt tradidit Beda in *Martyrologio*.

Petrus quinque annis p. ff. necem Domini Hierosolymis commoratus est, quamdiu Tiberius Augustus superstes fuit. Quinquennio elapso, anno trigesimo octavo salutis humanæ, & primo Ca. j. Caligulae Imperatoris Antiochiam Syriæ Metropolim venit, vbi Christianæ fidei mysteria docuit. Primus quoque Antiochenam fundauit, & rexit per seipsum Ecclesiam: Cathedram eius Episcopatus adeptus 8. Kalend. Martij, hoc est, dies 22. Februarij, vt habet Ecclesiastica traditio, quamuis nullam huius rei mentionem fecerit Lucas; habemus tamen aliunde, videlicet ex Clemente, libro 6. *Stromatium*, Eusebio in *Chronico*, Hieron. cap. 2. *ad Galatas*, quicam rem ex antiquis eius Ecclesiæ monumentis collegerunt: & ei Ecclesiæ septem annis, quamuis non integris, & completis, præfuisse testantur, & postea successit Euodius, & tertius Ignatius.

Intercim tamen sæpe se Hierosolymam retulit, annunciando Euangelium, & confirmando ac visitando Ecclesias ab Apostolis, ac alijs discipulis constitutas, eo itaque tempore Æneam octo iam annis paralyticum in grabato iacentem sanauit: Et videntes id omnes qui habitant Lyddæ, & Saronæ, Christi fidem receperunt.

In Ioppe ciuitate proxima, Thabitam mortuam, sanctarum mulierum precibus suscitauit. Vbi apud Simeonem quendam coriariam multis diebus habitauit: & per visum diuinitus ostensum, hoc est, linteam expansum per quatuor capita, vbi erant multa animalia immunda, ex quibus edere iubebatur, intellexit, Euangelium etiam Gentibus annunciandum.

Porro anno Christi Domini quadagesimo, & Caij Imperatoris tertio Cornelium Centurionem Cæsarea baptizauit vna cum alijs multis: & ibi primum ex Gentibus Ecclesiam Cæsariensem constituit. Mox ex Antiochia vrbis, & Cæsarea Hierosolymam redijt. Vbi obijcientibus sibi fratribus qui è Circumcisione erant, quod ad Gentes fuisset ingressus: reddidit rationem diuinæ reuelationis sibi factæ: quam admirati fratres ratam, & gratam habuerunt.

Post annunciatum à Petro Antiochiæ Euangelium, & Ecclesiam ibi ex solis Iudeis collectam, discipuli quidam Cyprij, & Cyrenæi, ibidem multos ex Gentibus ad Christi fidem conuerterunt, cuius rei nuncio ab Ecclesia Hierosolymitana accepto, Barnabas est missus: quæsito, & adducto ex Tharsos Paulo, integro anno ibi commorati sunt, & magna accessio facta est Ecclesiæ ex Gentibus conuocata, vt credentes, non discipuli, vt antea, sed Christiani appellari ceperint: contigit hoc, anno Christi quadagesimo primo, & Caij Imperatoris quarto inchoato.

Anno Christi quadagesimo tertio, & secundo Claudij Imperatoris exacto, tertio vero per sex dies inchoato, sanctus Petrus ab Herode Agrippa in carcerem, & in vincula missus: sed noctu per Angelum liberatus, versus Romam iter direxit: & ita relicto Oriente Romam venit decimoquinto Kalendas Februarij, hoc est decima octaua die Ianuarij. In hac peregrinatione Petrus ab Hierosolymis Cæsaream Stratonis primum veniens, ibi

Zaccheam Episcopum constituit: inde Sidonem peruenit. Vbi cum multos curasset, & Episcopum eis dedisset, abiit Berytum: in qua etiam Episcopum delegit: inde venit Byblum: deinde Tripolim Phœnicæ, & apud Marsonem virum mansit. è Tripoli Orthosiam profectus: inde Antandrum, mox in insulam, quæ dicitur Arados, tandem in Balneas, & inde Lanta, inde Laodicæam: vbi multos à morbis sanauit, & Ecclesiam congregauit, ibi Episcopo constituto. Postea venit Antiochiam Syriæ, vbi Missarum solemnia celebrauit, & Euadium Episcopum creauit. Inde Synadem Phrygiæ ciuitatem, mox Nicomediam, in qua Prochorum Episcopum constituit: tum Ilium venit ciuitatem Helleponti, vbi Cornelium Centurionem Episcopum ordinauit. Tunc diuina visione monitus Occidentem versus iter dirigere iubetur. Ita venit Tharsum: vbi Vrbium Episcopum delegit. Andriaræ Lyciæ Epaphroditum, Ephesi Phrygellum Appellam, qui fuit frater Polycarpi. Demum in Mæcedoniam peruenit: Philippis Olympum Episcopum creauit, & Thessalonice Iasonem, & Corinchi Syllanum. Inde migravit in Siciliam: venit Tauromenium: vbi apud Panocratum habitauit, & Marianum Episcopum instituit. E Sicilia Neapolim appulit: vbi Missæ sacrificium seorsim libenter, & Asprenem Episcopum constituit: inde naui delatus Labronam, id est, Liburnum: & inde Pisas venit, vbi etiam Missæ sacrificium obtulisse traditur, vt habent Traditiones verissimæ: tandem Romam peruenit, in Vibe Euangelium annunciare cepit: & Cathedra in qua eius Christi Euangelium edocuit, integra adhuc in eius Basilica asseruatur. Tunc Petrum Pudens Senator Vrbis, qui fuit pater sanctarum Virginum, Pudencianæ, & Praxedis, in suis ædibus excepit, quæ sitæ erant in colle Viminali, vbi Templum postea ædificatum est, quod titulo Pastoris primo dictum est, deinde nomine Sanctæ Pudencianæ: in quo sacellum extat, vbi S. Petrus sæpe in cruentum Missæ sacrificium fecit, & obtulit Deo omnipotenti.

Anno Christi quadagesimo sexto, & quinto Claudij Imperatoris inuente, Petrus ex Vibe profectus Hierosolymam reuersus est. In Vrbe relicti Vicarij, qui se absente gregem Dominicum conseruarent, reuerent, atque gubernarent: Hierosolymis quoque anno Christi quadagesimo octauo, & Claudij Imperatoris septimo celebratum est Concilium ab Apostolis: in quo Circumcisio abrogata est: eius sanguinis, & suffocari prohibitus, & scortatio speciatim interdicta. Interfuerunt in eo Concilio, præter alios Petrus, Ioannes, Iacobus cognomento minor, Paulus, & Barnabas. Petrus reliquo toto tempore Claudij Imperatoris, ab Vrbe absuit: nec enim ei licuit suam sedem Romanam repetere, vetante Claudij edicto, qui Iudeos omnes Roma expulerat.

Anno igitur Christi quinquagesimo sexto, & primo Neronis Imperatoris in Vibe redijt, ac interim in diuersas Prouincias annunciandi Euangelij causa, multos è discipulis destinauit in Siciliam Panocratum, Marianum, Beryllum, & Philippum: in Cæpnam Priscum, Neapolim Asprenatem, Tarracinam, Epaphroditum, Equicolas Marcum, sed alium ab Euangelista, Nepem, Prolemæum: Fessulam, Romulum: Lucam, Paulinum, Rauennam Apollinarem: Veronam Euproprium, Patauium, Prodocimum, Ticinum, Syram, Aquileiam, post Marcum Euangelistam, Hermagoram: ad Gallos Lemouicenses, Tolofares, & Burdegaleses, Martialem: ad Tungenses, Maternum, & Valerium: ad Thermenenses, Sixtum: ad Arelatenenses, Trophimum: ad Senonenses, Sabinianum: ad Cenomaneenses, Iulianum: Viennam, & Moguntiam Crescentem: Catalacinum Menomium, ad Bituricenses, Vesinium: ad Aruernenses Austroniam: ad Xantonenses, Eutropium, in Germaniam, Eucharium, Ægyptum, & Martianum: in Hispaniam, Torquatum, Cestiphontem, Secundum, Indalium, Cæcilium, Helychium, Euphrasium, & alios.

Iacobus maior Zebedæi Filius, Iohannis Euangelistæ frater, postquam Euangelium Christi, in Hispania annuntiavit: (vt communi consensu omnes Hispaniarum Ecclesie testantur: à qua sententia non est quod recedamus: habent enim singule nationes traditiones à Iuis Maioribus acceptas: quas si negauerimus, multa incommoda sequuntur.) Hierosolymam regressus, ab Herode Agrippa in carcerem missus anno Christi quadagesimo tertio, & Claudij Imperatoris secundo primus Apostolorum martyrij palmam obtinuit, cuius corpus scaphæ impositum, Mediterraneo, & Oceani marie mens in Galatiam appulit: & Iriæ Flauix in saxo repositum deinde ex Iria Flauia Compostellam translatum est: vt constat ex licentis Callisti Secundi. Ecclesia vero diem eius festum celebrat vigesima quinta Iulij: non quia tunc mortuus sit; nam extinctus est circa Paschale tempus: sed quia eo die corpus eius in Galatiam appulit & Iriæ Flauix in saxo repositum creditur. ob hanc Agrippæ persecutionem Apostoli in diuersas Prouincias dispersi, Christi Euangelium promulgauerunt, & antequam a se inuicem diuicerentur, Fidei symbolum condiderunt.

Iohannes Apostolus, & Euangelista, Filius Zebedæi, & Frater Iacobi cognomento Maioris, anno Domini 101. & Traiani Imperatoris secundo mortuus, & sepultus est. Sic Hieronymus, & Eusebius in Chron. ex Irenæo, & Poly. capto apud Ephesum: Tertul. libro de Anima capite quinquagesimo obijt, inquit, & Iohannes quem in Aduentu Domini remansum fuerat Ihes. Beda mortuum esse ait, anno ætatis suæ nonagesimo octauo, secundum alios anno nonagesimo quarto, vel nonagesimo tertio: quia vocatus à Christo est, teste Hieronymo, iuuenis: unde forsitan, inquit, tunc agebat annum ætatis vigesimum secundum, & obijt anno sexagesimo octauo post necem Domini. Alij putant vixisse annos nonaginta, vel nonaginta & vnum, eo quod secundum illos, vocatus fuerit à Domino, cum ageret annum vigesimum, vel vigesimum primum. Ego vero magis Bedæ auctoritati, cum obijt anno ætatis suæ nonagesimo octauo, quare vocatum à Domino crediderim, cum ageret annum vigesimum sextum, vel vigesimum septimum, in qua etiam ætate homines appellare consueuimus iuuenes. Sepulchri eius in Epheto meminit Eusebius lib. 3. cap. 33. Hieronym. de scripto. Eccl. sup. in Iohanne, Chryso. Romus homil. 20. in Epistola ad Hebræos, & homilia in Laudem duodecim Apostolorum, Celestinus Papa in litoris ad Concilij Ephesinum. Quare singularis est opinio quorundam iuniorum, eum viuum translatum esse ad terrestrem Paradisum, vt ipse, & Henoch, & Elias tempore Antichristi venturi, sint tres testes Euangelicæ doctrine: vnus ex Lege Naturæ: alter ex Lege scripta, tertius ex Lege Gratiæ.

Iohannes post Hierosolymam captam, & ditam à Tito, & Vespasiano Imperatoribus Romanis, anno 38. à morte Christi Domini ab Hierosolymis in Asiam se contulit: & Ephesi commoratus rexit Asiæ Ecclesias, quas Petrus, & Paulus fundauerant. Et anno Christi 91. qui fuit nonus Domitiani Imperatoris, ex Asia Romanam, impietatis nomine reus adductus, in dolium feruentis olei apud Portam Latinam coniectus, & nihil læsus, in Patmos insulam relegatus est. Tertul. de Prescript. ca. 36. Hieronym. lib. 1. Aduersus Iovinianum, & in Mathæi, cap. 21. est Romæ traditio, & monumentum celebre eius supplicij apud Portam Latinam, atque pridie Nonas Maij auerſaria eius diei memoria celebratur.

Quo mense, & quo die mensis obierit, non est vsque quaque certum, & exploratum. Duran in Rationali Diuino officiorum lib. 7. cap. 42. & Ioan. Belet. de offic. Diuini. cap. 30. opinantur eum obijt in die 24. Iunij, quo die celebrat Ecclesia Natalem Iohannis Baptistæ in diem 27. Decemb. Sed quare potius in eum diem transfuit? Respondent, quia fortassis eo die S. Iohanni Euangelistæ dedicata est Basilica Ephesi: vel quia eo die cœpit Ephesinam Ecclesiam regere, fuit Patriarcha Ephesinus. Certe cum Ecclesia Iohannem Euangelistam perpetua memoria cele-

bre, & colat die 27. Decembris, videtur id facere: quia eo die è viuis excessit.

Iacobus Minor cognomento Iustus: & frater Domini, Hierosolymorum Episcopus, trigesimo sui Pontificatus anno, & ætatis suæ sexagesimo tertio è p̄tina templi precipitatus, fullonis fuste percussus in capite, migravit in cœlum marij effectus septimo anno Neronis Imperatoris, & Christi Domini sexagesimo tertio, cui successit Simcon, qui præfuit illi Ecclesie annis quadraginta septem, vsque ad annum Christi 110.

Paulus Apostolus Christi, sed extra numerum duodecim Apostolorum. Tarsensis, conuersus est ad Christum octauo Kalendis Februarij, hoc est, die 25. Ianuarij: electus post mortem Christi vno anno, & mensib. nouem, & diebus octo: vnde Martyrologium Romanum habet: die 25. Ianuarij Conuersio sancti Pauli Apostoli: quæ fuit secundo ab Ascensione Domini anno: & non septimo anno post Ascensionem Dominicam, vt G. ycas libro tertio Annual. & Nicepho. lib. 2. cap. 3. ex Hippolyto Thebano, & Eusebio confirmare contendunt. Et quod Lucas Act. 7. dicit, Paulum fuisse adolescentem, cum Stephanus est necatus: nihil obstat, quia nomen Græcum significat eum fuisse tunc iuuenem: iuuenis autem durat vsque ad trigessimum quintum annum & tunc succedit virilis ætas vsque ad 50. annum.

Damascum delatus, ac baptizatus ab Anania, & mox in Arabiam se contulit: vbi duob. annis Christi Euangelium annuntiavit. reuersus Damascum, alterum annum ibi exegit: sed ob Iudæorum insidias, vt eorum manus euaderet, è muro sporta demissus auogit. Inde Hierosolymam pergens, ibi à Petro holpes exceptus, quindecim diebus apud ipsum mansit, inde inueni Iudæorum, Cæsaræam: mox Tarsum Ciliciæ patriam suam se recepit. Inde adductus à Barnaba, Antiochiam petijt, vbi magna facta est Christianorum conuersio, vt Lucas in Actis testet.

Paulus & Barnabas an. Christi 44. & Claudij Imperatoris secundo Hierosolymis Antiochiam reuersi, Spiritus sancti admonitu, ordinantur Apostoli: extra numerum duodecim, vt cum potestate Christi Domini Euangelium vbique terrarum annunciant.

Paulus hoc eodem anno segregatus in Euangelium, raptus est in tertium cœlum, vt ipse et testatur in posteriori Epistola ad Corinthios capite duodecimo: Scio, inquit, hominem in Christo, ante annos quatuordecim raptum huiusmodi vsque in tertium cœlum: quæ Epistola scripta est anno Christi 58. & Neronis 2. qui est decimusquartus ab hoc anno.

Anno Christi quadagesimo septimo, & Claudij Imperatoris quinto, Paulus & Barnabas ex Cypro reuersi in Asiam: Antiochiæ Pſidix ingressi Synagogam Iudæorum die Sabbati, inuitantur ad loquendum pro more: Paulus habita concione, multos ad Christum conuertit. Act. 13. verum sabbato Iudæi, videntes Gentilium multos conuenire ad audiendum verbum Dei, concitata seditione, Apostolos eosdem è suis sinibus eieciunt Qui uenerunt Iconium: & ibi diutius demorati, plurimos ad Christum conuersis, post multa patrata miracula, post multa aduersa tolerata, quæ Lucas silentio præterijt, & Paulus vnico verbo significauit in secunda ad Timotheum capite tertio: Diuisa demum in factiones ciuitate, recesserunt Lystram, & Derben. Act. 13.

Paulus Theclam, nobilissimam virginem, iam viro desponsam, ad cultum fidei, & amorem Christianæ virginittatis conuertit: ob quæ illa multa, & magna perpessa est: ex cuius actis quamuis quædam habeantur apocrypha, alia tamen sunt probata apud Gregorium Nyllenum homilia quarta, in Cantica: apud Epiphanium hoc est 78. Chrysoftomum homilia vigesima octaua in Actis, Ambrosium capite secundo de Virginibus, quæ vt alia plurima, Lucas prætermisit: vt ait Hieronymus in Epistolam ad Galatas capite secundo.

Paulus peragrata Lycaonia, Lydiam adueniens claudum sanauit: inde populum, quasi Deum se & Barna-

bam adorantem, reprehendens vestibus dilaceratis, ab eo consilio, & proposito auerit: verum paulo post ab eodem populo lapidatus, & pro mortuo habitus, Derben se recepit: indeque multis peragratis regionibus, & constitutis Episcopis, Antiochiam Syriæ cum Barnaba rediens, tempus ibi non modicum est commoratus.

Anno Christi quinquagesimo secundo, Claudij vero Imperatoris decimo. Paulus Athenas perductus, ibi Evangelium prædicauit: & quosdam conuertit ad Dominum, in his Dionysium Areopagitam, & mulierem nomine Damarim, *Actor. decimo septimo*, quam fuisse uxorem Dionysij testantur Ambrosius in *Epistola ad Vercellenses*, Augustinus sermone de *summe*, Chryostomus libro *quarto de Sacerdotio*. Inde Paulus veniens Corinthum, inuenit Aquilam, & Priscillam Iudæos, qui nuper venerunt ab Italia, *Actor. decimo octavo*. Hic Paulus diuinitus est admonitus, vt confidenter ageret, vnde & multos Corinthiorum ad Christum conuertit: & annum, & sex menses ibidem commoratus, multa, & magna fecit, vt colligitur ex *secunda ad Corinthios, capite duodecimo*, quæ Lucas vix tribus verbis perstrinxit, *ibi*. Hoc eodem anno scripsit primam Epistolam ad Thessalonicenses, & per viam Iudæorum adductus ad Proconsulis tribunal, non est auditus. Post dies multos Corintho discedens, Syriam peragravit.

Anno Christi quinquagesimo quinto, relictis Ephesi Priscilla, & Aquila, superiores Asiæ partes perlustravit: tum rediens Ephesum, ibi per triennium commoratus, & plurima passus, magna edidit miracula, *Actor. 19. & 20. 1. ad Corint. 15.*

Anno Christi quinquagesimo septimo, & Neronis Imperatoris primo, cum cessaret edictum Claudij, quo Iudæi vrbe Roma excluderentur: Paulus cogitauit de videnda Roma, peragrata primum Macedonia, & Achaia, & Hierosolymis. *Actor. 19.* Hoc eodem anno Paulus profectus Epheso in Macedoniam, Timotheum Ephesi reliquit, & primam ad eum ex Macedonia Epistolam scripsit. Athanasius in *Synopsi*, Theodoretus in *Præfatione super Epistolam Pauli*, ex Macedonia venit in Græciam, *Actor. 20.* ex Græcia in Cretam insulam: vbi & Titum Episcopum ordinauit.

Anno Christi quinquagesimo octavo, & Neronis secundo, Paulus à Creta reuersus in Græciam, Titum ad se Nicopolim vocauit: indeque ex Græcia ad ipsum Epistolam scripsit: Nicopoli secundam ad Corinthios scripsisse creditur. Mansit in Græcia per tres menses, *Actor. 20.* Corinthum rursus iter direxit: inde Cineas perueniens, ibi scripsit Epistolam ad Romanos, vt putat Origenes.

Corintho abscedens iuit Troadem, vbi adolescentem quendam à tertio cenaculo lapsum, suscitauit à mortuis. Inde Casaream, vbi prædictum est ab Agabo, futurum, vt Hierosolymis alligaretur à Iudæis, & traderetur Gentibus. Tandem Hierosolymam peruenit ante Pentecosten. *Actor. 21.* vbi à mortis periculo intentata, à Iudæis, ereptus est per Tribunal. *ibidem*. Quo comminante virgas, siue flagra, coactus est eicere se Romanum asserere, *Actor. 22.* Rursus appetitus insidijs Iudæorum, illisque detectis perducitur Casaream ad Felicem Præsidem, *Actor. 23.* apud quem suam causam egit, *Actor. 24.* Postea concionem habuit ad Festum Præsidem successorem Felicis. *ibidem*, Inde in nauigium impositus, Romam mittitur. In qua nauigatione, contra eius consilium suscepta, periclitantibus omnibus diuinitus cognouit, omnes incolumes euasuros. Fracta naui prope Ictus, salui facti sunt omnes in Insula Melita. Vbi vipera sarmentis inclusa, inuadente manum Pauli, & ab eo excussa in ignem nullo inde accepto detrimento, putantibus Barbaris statim eum in tumorem conuertendum, eum eum primum homicidam suspicarentur, postea tamen, non sine admiratione, eundem Deum appellarent. Ex eo tempore, Traditio habet, in gratiam Pauli fuisse insulæ illi diuini-

tus tributum, vt serpentes omnes veneno careant, quantumlibet aliquem momorderint, nullumque afferant detrimentum. Tribus mensibus Melita hyemauit: patrem Publij Principis insulæ, dysenteria laborantem, & alios morbo vexatos sanauit. *Act. 28.* Publium ad Fidem conuertit, insulæ Episcopum præfecit.

Anno Christo quinquagesimo nono, & tertio Neronis, Melita soluens, Romam tandem peruenit, vbi causam suam egit apud Imperatorem, & Senatorem. Liberatus ab eo est ea tamen conditione, vt vinculis catena cum custodiante se milite, libere posset agere. Ex vinculis plures scripsit Epistolas, videlicet, secundam ad Timotheum, eam quæ est ad Ephesios, & ad Philippenses, ad Colossenses, imo eam etiam quæ est ad Hebræos.

Paulus biennio in vinculis exacto, & suæ libertati permissus, quid reliquo tempore Neronis Imperatoris egerit, certo non constat. An in Hispaniam iter, sunt opinioniones. Hippolytus de *Septuaginta duobus discipulis*, Damascus ad *Dracunculium*, Cyrillus *Catechisi decima septima*, Epiphanius *Harresi septuagesima septima*, Chryostomus in *Præfatione Epistola ad Hebræos*, & *homilia septima, de Laudibus Pauli*, & *septuagesima sexta in Mattheum*, Theodoretus in *secundam ad Timotheum; capite ultimo; & capite primo, ad Philippenses; & in Psalmum 107.* Hieronymus *capite undecimo, hysia*, Gregorius libro *trigesimo primo. Moral. cap. 22.* Isidorus libro *de vita, & obitu sancto & cap. 71.* Beda in *Martyrologio, die vigesimo secundo Martij*, testantur Paulum in Hispaniam percessisse. At Gelasius Papa in *cap. Beatus, vigesima secunda questione 11.* videtur negare, Paulum iussisse in Hispaniam.

Anno Christi sexagesimo octavo, & Neronis duodecimo, Petrus & Paulus diuino consilio: ex diuersis orbis partibus, vt afflicta Neroniano gladio Ecclesiæ Romane succurrerent, Romam conuenire: Simonem Magum, magicæ superstitionis conuenire: & occasione mortis Simonis, quem è celo, quo volatæ dæmoniaca arte, & ope tentauerat, deiecerunt: sancti Apostoli mense Octobri, in carcerem coniecti sunt, & nouem in eo menses vsque ad martyrium detenti. *Martyrologia Romanum, Beda, Vssardi*: iidem Apostoli Procellus, & Martinianum carceris custodes, & alios quadraginta septem ad Christum conuerterunt, quos fonte diuinitus in ipso carcere erumpente baptizarunt: qui carcer, & fons adhuc Romæ in radicibus Capitolij celebres extant, & sanctæ, ac pie visuntur, ac frequentantur.

Anno Christi sexagesimo nono, & Neronis Imperatoris decimo tertio, Petrus, & Paulus tertio Kalendas Iulij, Neroniana persecutione damnati, eodem anno, non diuersis, martyrio sunt coronati. Prudentius *Persephaven Hymno duodecimo*, & Arator libro *secundo Actorum Apostolicorum in fine*, & Augustinus sermone de *Sanctis vigesimo octavo*, putarunt eos passos esse eodem die, sed non eodem anno. communis tamen est sententia, fortiter eos martyrium subiisse eodem die, & anno. Ita Caius Theologus antiquus, & Dionysius Corinthius apud *Metaphrasem die vigesimo nono Iunii*, Zepherinus Pap. in *Epistola quadam, Damascus in Concilio Rom.* Eusebius, Epiphanius, Hieronymus.

Paulus demum capite obruncatus est extra Portam Hostiensem ad aquas Saluias: lac pro sanguine reddidit: proindeque is locus, ex mirabili euentu truncati capitis, & tres fonticulos perennes efficiens, ad tres fontes nomen accepit.

Quæres, Quoto ætatis anno Paulus mortuus sit? Respondeo cum Chryostomo in *Homilia de Principe Apostolorum*, anno sexagesimo octavo, quia quando conuersus est ad Christum, erat triginta duorum annorum, vt superius dixi, & mortuus est anno trigesimo sexto post Christi necem: ergo cum passus est mortem, erat annorum sexaginta octo.